

Universitätsbibliothek Paderborn

R. P. Richardi Arsdekin Soc. Jesu Sac. Theol. Professoris Theologia Tripartita Universa

Complectens nunc Bibliothecam perfectam Viri Ecclesiastici, ordine
sequenti

Controversiae Heterodoxae Ac Scholasticae - Cum speciali Notitia rerum
Modernarum, & Chronologia totius Monarchiae Sacrae, & Saecularis,
Pontificum, Conciliorum &c. Haeresum omnium, ac Propositionum
damnatarum Mundi Sex Aetatum ...

Archdekin, Richard

Dilingae, 1687

Articulus VIII. Notitia Brevis, ac Divisio Partium præcipuarum Orbis
universi, Asiæ, Africæ, Americæ, Europæ, cum hujus Partibus præcipuis
&c.

urn:nbn:de:hbz:466:1-38447

ASIA.

piam fecit illis ex suis quibus id luberet, undein eam rem intet *Dermutum*, & Richardum Comitem *Strangbo*, & alios proceres conventum fuit. Quorum copiae ex Anglia appulsa, cum iis quos *Dermutum* regere potuit milibus, in Lageniam penetrarunt. Sed *Roderici Regis* copiis his obviantibus, temperatum est à prælio, cum *Dermutus* pacificeretur Anglicas copias remittere. Verum is novi subditi per Comitem *Strangbo* adducti fiduciâ, pactum violavit, & Dublinum versus ac Midiam hostiliter ab eo progressum est.

Interea *Dermutio* Lagenia Rege è vivis excedente, cum novis copiis Waterfordiam appulsa est ipse *Henricus Rex Angliae*, qui mos duos *Momonie* Reges ad nutrum obsequentes habuit, quorum exemplum aliqui postea Reges fecuti: quo rerum articulo Lagenia ac Midia partes præcipuas sibi Angli desumperunt.

Ab illo demum tempore *Domini Hibernie* titulum Regis Angliae retinuerunt. Titulus ille primum Henrico collatus fertur ab Adriano IV. Pontifice natione Anglo, eâ lege ut Sedi Apostolice singulos asses pro singuli Hibernie dominibus quotannis persolveret, ac Catholica Religionem ad pristinum decorum, & populum ad laudabilem vitæ normam redigeret, quæ certè traditur etiam tunc cum magno Sanctorum numero in Hibernia floruisse. Hoc modo *Reges Anglie Dominatum Hibernia* primum adepi, antiqua illius instituta, ac Regium in ea nomen exauctiorunt. Infelici sanè eventu, non tam ab externo Angliae dominaru, quam ab inducta postea in Angliam Hæresi, cuius levitatem in hodiernum diem gravissimè laceratur Hibernia, Deo, Regique semper fidelissima.

ARTICULUS VIII.

NOTITIA BREVIS
ac Divisio Partium Orbis
universi.

TOtuS Terra globus dividitur potissimum in quatuor partes, Europam, Altam, Africam, & Americanam, quarum singula sunt quasi totidem terræ Continentes, vel quasi magna Insula, quas Oceanus circumfluit, & dividit. Ambitum autem Terra totius statuum communius Cosmographi completi viginti duo leucatum millia: *Robout* pauciora, ali plura. Gradus in quos dividitur totus circuitus Terra sunt trecenti & sexaginta. Unus autem gradus meridiani terrestris complectitur viginti quinque leucas. Superficies Terra in qua nos constitimus distat à Centro Terra circiter mille quadragesimæ & trigesita leucis. Globus autem Terra totius major est corpore Lunari circiter quadragesies quinies: Sed Solari corpore est plurquam centes, & ut aliqui computant plusquam centenaria aliquot vicibus minor.

Agemus hic breviter prius de aliis Terra partibus, ut postea plusculum de nostra Europa annotemus.

A B initio Asia fuit pars Terra nobilissima, utpote, qua prima genus hominum intra se conpexit, & in alias mundi partes, tamquam aliquod orbis seminarium transmisit.

Asia quippe prima Gentium ritus sacros, mores, rationemque recte vivendi aliis Gentibus communicavit: & ipsum *Deum incarnatum*, scilicet Christum, in Judra orbi exhibuit.

Sita est Asia in parte orbis Orientali respectu continentis nostræ regionis. *Asia Minor* pars est Asiae majoris, estque in mari Mediterraneo ubi est insula Cyprus & Rhodus, hodieque nominatur Anatolia.

Asiae fines sunt à Septentrione Oceanus Schisticus, ab Oriente mare Eoum: à Meridiē mare Indicum, sive Rubrum: ab Occidente sinus Arabicus, & Isthmus, qui est inter sinum Arabicum & mare internum: atque inde Maria Phœnicum & Ægæum, Propontis, Pontus, Maeotis lacus, Tanais amnis, & Oubium flumen.

Longitudo Asiae summa est inter Hellespontum & Malacam extremum Indie Emporium, milliarum germ. cccc. id est, 1300. Latitudo interfaues Arabici sinus, & Tabin promontorium, quod est ad fretum Asiam, est mill. cccxx.

Hodie tota Asia in quinque potissimum dividitur partes, quarum I. est Tartaria: II. China: III. India, sub quibus Insulae adjacentes: IV. Persarum sive Sophorum Imperium, sub quo comprehenditur Armeniae peculiare regnum: V. Turcicum imperium, in Asia maxime situm.

De aliquibus Asiae partibus mira refert Joannes Boënius lib. 2. In parte Indie nasci homines monoculos, alios monopedes, id est, unius pedis, sed latissimi. Apud Clestum legitur quasdam feminas ibi tantum parere, natosque illico canos fieri. Esse quoque gentem alteram quæ in juventute sit cana, sed in senectute nigrescat. Esse aliam in qua feminæ quinquennes pariunt, sed ultra octavum annum vivendi spatium non protrahere. Moris esse apud Scythas ut cum Rege defuncto quinquaginta ex ejus Familis intimis sepeliantur, & totidem ex equis praefantissimi: Item apud Catheos Indos, qui plures habent uxores, ut earum charissima, cum marito mortuo in eodem rogo concremetur, quod illæ plurimum ambiunt. Qui Ganges fontem accollunt vivere solo odore pomorum Sylvestrantium, & longius pergentes illa in eum finem secum conferre.

Inter Turcas saltem Asiae, Campanarum usus non permititur. Tempa non nisi Discalceati ingrediuntur. Ad sedendum nullis scannis, aut sedilibus utuntur: sed decenti membrorum compositione supra terram puerorum more recumbunt. Mensa ad quam vescuntur ut plurimum est corium bubulum & hirsutum supra terram stratum: & cum circulis & corrigiis insertis ita accommodatum ut possit instar bursæ complicari & facile quocumque deferri. Hæc tantum pauca delib. ex pluribus apud Boëniū supra citatum, aliosque.

De cetero, in Asia Loca maxima quæ sunt à sinu Arabicō usque ad Promontorium vulgo Cabo de Lam-

po

Isde kin

Theo-
logia

po dictum (quod est ad 30. gradum latitudinis borealis) omnia ferè possidet regnum Lusitanie, aut sibi tributaria fecit, ut tradit Carolus Stephanus, & latius alii.

Ex quibus etiam patet, in Africa multis locis Religionem Christianam & Romanam etiamnam coli, & agnosci.

AFRICA.

Jungitur Asia ex quo fredo Africa, qua est maxima terrarum Peninsula in forma pyramidali, in Ambitu complectens tria millia & triginta circiter millaria germanica. Pars magna Africa est inculta, & aut arenis sterilibus obducta, aut ob situm celi terrarumque deserta, aut infestatur multo ac malefico genere animalium, in universum vafta est magis, quam frequens. Quædam tamen partes illius sunt eximie fertiles. Gracis Lybia dicitur, à Lybia Epaphi filii Jovis: Africam autem ab Afro Herculis filio dictam volunt.

Maria eam cingunt, qua sol oritur Rubrum, qua medius dies Aethiopicum, quā occidit sol, Atlanticum: à Septentrionibus Internum, Africum seu Lybicum dictum, quā eam alluit.

Longitudo eius summa computatur ab Herculis fredo ad Promontorium bona spei mill. 1500.

Latitudo inter duo promontoria, Hesperium, vulgo C. Verde, & Aromata, quod est juxta fauces Arabici Sinus, vulgo nunc Coarda Fui, mill. 150. Terra ipsa, nisi quā interna mari accedit, obscurè veteribus nota. Ultra autem Nili fontes ac montes Lüna prorsus incognita.

Regiones ac Gentes, in quas Africa divisa fuit quondam, sunt, Aegyptus, Cyrenaica, Africa minor, seu propriè dicta, Troglodyta, Garamantes, Numidia, Mauritania, Gætulia, Lybia interior, Arabia Troglodytica, & Aethiopia. Partem Africae maximè meridianam Europæ incognitam, detexerunt Portugalli à centum 20. circiter annis.

Inter celebrissimas Africæ Urbes est Carthago, ubi constat celebrata fuisse varia Ecclesiæ Romane Concilia. Unde ulterius patet olim, hodieque in illa Orbis parte Religionis Romanae cultum, & Episcopatus plurimos præfertum sub Hispanis & Portugallis reperi. Certe olim ex ea prodierunt summi Ecclesiæ Romane Doctores, S. Cyprianus, S. Augustinus, S. Fulgentius, Tertullianus, Arnobius, ac Victor Uticensis. Præter antiquos plurimos, Africotius mores, & instituta Joannes Leo magno volume descripsit.

De moribus faltem antiquis in quibusdam Africa partibus tradit qui supra Boëmio lib. I. Mulieres Aegyptiæ virorum obire munia, & contra viros mulierum. In Lybia Amazones feminas solitas ad bella proficeri, & in Republica principatum exercere, viris ad Domestica officia mancipatis: ideoque illas confueville suis infantibus masculis brachium dexterum confringere ut essent ad bellandum impeti. Moris esse apud Aegyptios defunctorum parentum corpora tradere in debitorum pignus suis creditoribus, sic ut sumimâ filii afficerentur infamia, & sepulturâ carerent, si tradita corpora postea non redimerent. Populos esse in Aethiopia qui vocantur

Rizophagi, qui vivunt ex foliis radicibus arundinum saxonibus, ex quibus & placenta conficiunt, & ad solem tantum excoctas placide & securè tota vita in cibum sumunt, adeo natura simplicibus contenta. Alii sunt populi qui dicuntur Ilophagi, qui cum uxoris & liberis per campistria vagantes, Arborum ramis tenerioribus ac supremis, dentibus tamen contratis, videntur: & hinc avium more adeo sunt agiles, ut facile de arbore in arborem profilant: quod si quando deciderint ob corporis levitatem nihil lassuntur.

AMERICA.

Est America Europæ quam Asia propinquior, Emiliarium ducentorum inter Hiberniam & Casam, proximiorem Africæ partem, intercedente na-

vigatione. Americam ab antiquissimis temporibus cognitam fuisse Europæis, ex Platone simul atque Diodoro Siculo probari potest. Apud Platonem in Timœ, Sacerdotes Aegypti narrant Soloni Atheniensi, qui ne circiter annis ante Christum natum vixit, Insulam fuisse quondam contra fretum Herculeum Africa simul & Asia majorem, nomine Atlantidem: Postmodum verò immanni terra motu, ingentique unius diei & noctis illuvione, sub vasto gurgite mersam fuisse. Ac inde mare, quod eam insulam, ac fretum Gadiatum interceperat, immeabile & inscrutabile redditum, limo paulatim impeditum, quem illa insula fubdens præbuerat.

Dicta nunc est tota hæc continens America, ab Americo Vespucio Florentino, qui Emanuelis Portugallia Regis auspiciis à Gadibus ann. 1500. profectus, primus ex Europæis (quantum memori proditum) eam ingressus est. Quamquam hoc prior Christopherus Columbus Genuen sis anno 1500. hoc est, anno 1492. Insulas America Hispaniolam, Cunam, & Jamaciam adierit. Post hos frequenter in eam navigarunt Hispani, Galli, Angli, quorum alii alii inibi Regionibus detectis, nomina sua quique lingua impofuerunt. Mediterraneorum cognitione parum certa est: maximè que sunt versus Septentrionem. Maritimæ autem ora Hispanorum armis maxima ex parte subiecta.

Longitudo eius summa inter duo fretra, Aniam & Magellanum mil. Germ. 15000. Latitudo maxima inter promontorium vulgo Cabo de Fortuni, juxta fretum Aniam, & Promontorium vulgo C. de Becheton in nova Francia, mil. 1500. ut habeat Claverius.

Dividitur universa in Septentrionalem, quæ & Mexicana, & Meridionalem, quæ & Peruviana ex quo isthmo alteram ab altera discernentes. Americæ partes & mores, & quod sequi solent Religionem sive Principiis, pluribus descripsit Ortelius, Gemma Frisius, Franc. Lopes Gomara, Morerus, aliqui.

Ex dictis etiam patet tam olim, quam hodie per Europeorum navigationes, colonias, aut commercia in America quoque fidem Catholicam pluribus locis colili, & agnosci. Immo illic per Europæos sex Archiepiscopatus, cum pluribus Episcopatus florere, tradit

Morus in suo dictionario historico

verb. *America*.

EURO.

EUROPA.

Hodie Europa, quam incolimus, est ab Occidente respectu Asiae, & à Septentrione respectu Africæ. Est illa terrarum omnium celebratissima tam à virtute armorum, quam à litterarum & artium gloriâ, quibus omni ævo reliquias orbis partium præcelluisse traditur. *Formam* illius tradit Strabo, alioque, esse extensam instar figuræ Draconis, de qua infra.

Longitudo Europæ summa inter Hispaniæ promontorium sacrum, ad fluminis Obii ostium, milliarum Germanicorum circiter 10000. id est 900.

Latitudo maxima à Tænaro Peloponnesi promontorio ad Scritofinie promontorium Rutubas, vulgo nunc Noordkyn dictum, millaria 10. id est,

550. Divisa olim fuit Europa in varias Gentes Regionesque, quarum nomina, etiam nunc clara, sunt ista: Hispania, Gallia, Germania, Vindelicia, Rhaetia, Italia, Noricum, Pannonia, Illyricum, Epirus, Gracia, Macedonia, Thracia, Mæsia, Dacia, & Sarmatia. In Insulis vero Oceani maximis, Britannia, Hibernia, Thule: Maris interni, Baleares duas, Sicilia, Sardinia, Corsica, Creta, Eubæa, cum aliis minoribus sine numero.

Hodie dividitur aliter in complura Regna, atque Principatus. Regnum præcipua sunt, Hispania, Gallia, Anglia, Hibernia, Scotia, Norvegia, Suedia, Dania, Germania, quod nunc Romanum vocatur Imperium: Dein Polonia, Bohemia, Hungaria, Slavonia, Croatia, Dalmatia, Bosnia, Servia, Bulgaria, Tartaria minor, sive Præopensis: Item regnum Neapolitanum, & Sicilia. Archiducatus unus est Austriae. Magni Ducatus tres; Moscovia, Lithuania, & Tuscia. Ducatus & Principatus innumeris. Figuram universæ Europæ Strabo dedit Draconis: cuius caput Hispania, collum Gallia, Corpus Germania, ale dextra hæque Italia, ac Cimbrica peninsula.

Interea varia etiam in Europa prodigiosa, hæc referunt fidi Scriptores.

1. In Gallæcia in portu Mongiae, Navem grandem perstare integrè lapideam sic ut ipsa vela sint saxæ, & tamen molem tanti ponderis unius pueri digito tandem moveri.

2. In eadem Gallæcia Antrum spectari tam immensæ longitudinis ut nemo umquam etiam plurimum diutum itinere ullum in eo finem invenerit.

3. Vilillæ oppido Hispania, Campanam esse mirabilem, que quando imminent Reipublicæ Catholice eventus summopere infortunatus, aut etiam fortunatus, nemine impellente, ex seipso pulsari aliquot ante mensibus, quod sepius & certò factum testantur variis apud Marianam de rebus Hispaniæ lib. 21. cap. 20.

4. Pisces ex terra fossiles reperiuntur variis locis quod nominatum de Gallia testatus est Livius, etiam per aratum effosios.

5. Mons est in Lusitania nomine Stella in cuius summo cacumine inveniuntur in Lacu fragmenta navium ex aliquo in mari naufragio, cum tamen à mari distet plusquam 12. leucis. Alia in hoc genere mi-

ra satis indicant mundum subterraneum esse, meatibus innumeris pervium.

6. Hispali purus est, qui crescente maris aëtu minuitur, & decrecente augetur, ut refert Plinius l. 2. cap. 97.

7. Idem tradit Ulißipone Equas fuisse aliquas quæ ad certum ventum obversæ scutum concipiebant velocissimum, sed vita brevissimæ.

8. Compluti Saxum servari quod oleum salutare excludat, testatur Nierenbergius, & se illud vidisse.

9. In Groenlandia sine Europæ ad Occidente, Nox durare traditur per medium circiter annum: Mare illi adjacens Balenis abundat monstrofæ magnitudinis: Frigoris ibi tanta inclemens, ut homines vix possint illi modico tempore durare: pars aliqua illius terræ Regi Danie subiecta est.

Nunc in particulari de Regionibus Europæ præcipuis.

Hispania (ut tradit Carolus Stephanus in suo dictionario historico, verbo *Europa*) regio est ultra modum fertilis: Frugum omnigenum, vini, & arborum copia nulli posthabenda, sed optimis orbis partibus comparanda. De reliqua Hispanæ præstantia scripsit Strabo libro 3. & septem sequentibus. Et recentius Volterranius, Munferus, Andreæ, Syrius, aliquæ, de qua infra. De Gallia scripsit Postellus Carolus Stephanus, aliquæ. De Germania, Italia, Anglia, scribunt prædicti, Ortelius, aliquæ in particulari.

HISPANIA.

Porro de Hispania tradit Moterius in dictionario. Histor. Illam esse Europæ partem maximè occidentalem: & olim divisam fuisse in 14. regna, quæ sunt ad Septentrionem Navarra, Biscaya, & Asturia. Ad occidentem Galicia, Portugallia, & Algarbia. Ad meridiem Andalouſia, Granada, & Murcia. Ad orientem Aragonia, Catalonia, & Valentia. Et in patre medio Leon, & Castilia nova & vetus. Urbs Regi Capitalis modo est Madritum, olim Toletum, & Hispali.

Habet Hispania 8. Archiepiscopatus, & Episcopatus 45. Metropolitanæ illius Civitates sunt, Toledo, Burgos, Compostella, Hispali, Granada, Valentia, Saragossa & Terragona.

Hispania Rex dominatum habet omnium amplissimum. Et in quatuor Orbis partibus varias possidet Ditiones latè extensas. Prater alias alibi, in Italia Regnum Neapolitanum, & Siciliam, Ducatum Mediolanensem, Orbitello, Final, Insulas Baleares, Majorcam, Minorcam & Sardiniam. In Africa ad Barbariam possidet loca quæ dicuntur, Oran, Atach, Mahamor, Pennon, Marsalquinir, Mellille &c. In America Insulas Canarias cum reliquis, præter Brasiliam & alia quæ illic à Francis & Anglis possidentur. In Asia illius sunt Insulae Philipinæ, & plura alia ibidem loca.

Hujus amplitudinis extensionem per 4. Orbis partes sic computant aliqui, ut afferant, in terris Regis Hispania Solem numquam occumbere, quia earum aliqua pars ubique soli subest. Unde extat ad illius Epistola Regis Persarum cum hac inscriptione, *Regi qui solem habet pro galero.*

Com-

Esde
Kin

Heo.
logia

Computant etiam alii cum praedicto Morero, divitias quæ ex solis Indiis Hispano provenerunt ab earum occupatione ad annum 1618. ascendisse ad quinies centum, triginta sex milliones auri. Duo referuntur in Hispania Pontes omnibus admirandi.

Unus Pons supra quem aquæ transirent, qui est Aqua duætus Hispalensis. Pons alius ditissimus orbis, & ubi posuit instrui exercitus ad prælium, qui est dela Gaudiane.

Archiepiscopatus habet Hispania Quatuor Potentissimos. Primus in his est, *Archiepiscopus Toletanus*, qui & Hispania Prima, & Castella maximus *Cancellarius*: & in Reditibus annuis habet octoginta milia ducatorum. Secundus *Archiepiscopus Hispalensis*, habens annuè 24000. ducat. Tertius *Archiepiscopus Compostellanus*, habens 20000. ducat. Quartus *Archiepiscopus Granatenus*, habens 10000. ducat.

Episcopi cum his sunt universim Quinquaginta quinque, Burgensis, cuius redditus 20000. ducat. Seguntinus, non minus. Cochenis, Placentinus, Palentinus, Mentefanus, Segoviensis, &c.

Ordines etiam *Militares* in Regno Castellæ Tres potentissimi recententur, *S. Jacobi*, *Alcantara*, & *Calatrava*. Ordo ille *S. Jacobi* habet in regno Castellæ *Commendas* quadraginta duas, quarum duæ habent annui redditus 14000. ducat. Una alia 12000. & una alia 10000. & quæ minimum 1000. ducar. Idem Ordo in regno Legionensi habet *Commendas* quadraginta sex, cum maximis etiam redditibus.

Ordo *Calatrava* in utroque simul regno praedicto *Commendas* habet triginta quatuor. Ordo *Alcantara* *Commendas* triginta duas. Ita hæc recentef fusi. Marinæ, aliisque.

Seminaria Hibernorum pro Catholica Fide in ea Gente conservanda, Hispali unum, alterum Salmanticæ, alterum Compostellæ, alterum Ulyssipone, alterum Compluti, hoc excepto, alia Rectores habent Societatis. His addo in Belgio Seminarium Lovaniense, Antverpiense, Insulense, Tornacense. Harum singula totidem sunt Gemmæ charitatis, quæ in Hispania Corona lucebunt in perpetuas æternitas.

De Regum Hispaniæ antiquitate, serie, & ordine successionali per singula huc usque secula, vide hic paulò supra de Notitia Monarchia secularis.

H I B E R N I A.

DE *Hibernia*, ut alios præteream, sic scribit prædictus *Carolus Stephanus ver. Hibernia*. Britanicarum, inquit, Insularum maxima, collateralem habet Britanniam majorem ab Oriente; solum Oceanum ab Occidente; ab Aquilonari verò parte trium dierum velifco curfū Borealium Insularum maxima Islandia jacet. Gleba præpingui, ubique frugum proventu terra est felix. Pecore montes, nemora feris abundant: Pascuis tamen quam frugibus, gramine quam grano fecundior: melle, & lacete dives: fluminibus egregius scinditur & rigatur. Falcones, accipitres, & nifos præ aliis Regionibus copiose producit, cum Aquilarum, variariumque omnigenum avium numero. Ferarum quoque cunctas ferè species continent. Venenosis omnibus caret. Terræ mo-

tus hic numquam: vix femel in anno tonitru auditur. De moribus incolarum, & stupendis naturæ operibus nonnulla scripta ex Gyraldo *Ortelius*, & nos ad Vitam S. Patricii à nobis editam anno 1671. De Constantia illius perpetua in Religione Romana vide hic inferius *Tomo Terzo post Summam Doctrine Christianæ*.

Hibernia quatuor Provincias complectitur, & quinam quæ Media sive Midia dicuntur.

Episcopatus habet duodecim, cum his simul Archiepiscopatus quatuor, Armacanum, Dublinensem, Cællem, Tuamensem.

In ea à probatis Scriptoribus notantur Naturæ aut Gratiae rara prodigia.

1. Quod nulla habeat in toto Regno animalia venenata, nec ranam quidem. Imo quod gleba aliqua illius Terræ alio advecta animalia venenata attacu enecet.

2. Quod in eo sit Lacus, in quo si per aliquod longius spatium palus ligneus usque ad terram infigatur, pars quæ est Terræ infixa convertitur in ferrum, pars quæ est in aqua in lapidem, pars verò quæ est supra aquam lignum permanet. De hoc meminit etiam Molina in descript. Gallicæ, aliisque.

3. Quod ad occidentalem Hiberniæ partem ad *Conariam* sit Insula nomine *Aren*, à S. Brendano olim consecrata, in qua aliqua hominum corpora nec humantur, nec putreficiunt, sic ut aliqui suos avos, atavos, & tritavos mirando aspiciant, & dignoscant.

4. Quod in *Momonia* provincia Fons existat, cuius aqua si quis abluitur statim canescat. E contra in *Ultonia* sit Fons quo si quis abluitur non canescit amplius, ad quem accedunt viri, feminæque quæ cupiunt canitatem vitare. *Geraldus* in Topographia Hibernie, aliisque.

5. Quod in *Momonia* parte boreali duæ sint Insulae, in quarum majorem nullum feminini sexus animal intrare potest quin statim moriatur. Quod saepius experientia probatum refert *Cambris*, *Greifurus*, aliisque. In minori verò Insula (quod magis mirum) nemo umquam moritur morte naturali, hinc Insula viventium dicitur. Unde morbo lethali gravissime afflitti inde alio transferuntur.

Hæc & plura alia Hiberniæ prodigia tradit partim *Beda*, partim *Cambris*, & ex his, aliisque nostrarum *Nierenbergius*, in Histor. natur. lib. 2. cap. 2. &c.

ANGLIA, ET SCOTIA.

DE *Anglia* sic scribit Joannes Boëmus in descriptione Europæ cap. 26. Ambitus illius quadragies octies, & septuaginta milibus passuum constat. Dies illic longissimus 17. horarum deprehenditur, & aestate lucidae sunt noctes. Formam habet triangularem in istar *Cicilie* insulae: Provincias plures nominatas supraart. 6.

Sunt Angli cæruleis oculis, facie adeò venusta, & staturæ proceræ, ut beatissimus Pontifex *Gregorus* cum forte Anglorum pueros Romæ videret: Bene, inquit, Angli dicuntur, quia vultu nitent ut Angeli, oportet illis ministrari iter salutis aeternæ, quod per *Augustinum Monachum* eo delegatum incœpit.

Lupus

Lupes Anglia non gignit, & ideo pecus sine cuncto secum est. Non gignit etiam *Vinum*, sed metallis dives est, ut argento, cupro, plumbo. Infus & margarita & lapis mirabilis nomine *Gagates* qui ardor in aqua, & oleo extinguitur. Urbes & Villas habet numero multas, quarum caput *Londonium* certarum longe maxima. Ita idem *Joannes Bohemus*, &c. De Anglia plura hic in fine. *Parlementum* in Anglia comprehendit Domum (ut vocant) Superiorum & Inferiorum. In Superiori sedent quinque gradus *Nobilium*, scilicet. Duces, Marchiones, Comites, Viccomites, Barones, & in his Episcopi. Filii predictorum, quantumvis sint *Ducum* non habent locum in domo superiori, sed tantum inferiori, donec Rex per litteras patentes illos evocet ad superiorem.

Propositiones conclusae in domo inferiori, debent defiri ad superiorem, nec potest aliquid ab utraque authenticè & finaliter concludi sine Regis permisso aut approbatione. Ita *Morerus*, aliisque.

Scotia est Angliae contermina, sic ut ab Anglia nullo separetur fucto mari, sed tantum uno monte, & fluminibus, non magnis. Terra multum montosa est, & maximè ad Septentrionem ubi mari alluitur. Tridit illic tempore brumali, aliquando diem esse tristum horarum. Reperiit etiam ibi Arborum, cuius fructus in aquam subiectam decidentes, mox in volucem formentur & evolent, ideo volucres has Anteles *Scoticos* appellant: quamvis sint qui tradant Arborum hanc apud *Orcadas* insulas reperiunt. Scribit *S. Hieronymus* contra *Jovinianum* lib. 2. Sua tempore *Scotos* carnibus humanis vesci, & quasdam eorum partes in maximis deliciis habuisse, sequere adolecentulum in Gallia id vidisse, ut ex ipso aliqui nocant. Sed vide quantam vim postea habuerit Catholicæ Religio, ex *S. Chrysostomo* serm. de *Pentecoste*, sic scribente: Ante hoc, inquit, quoties in Britannia humanis vescebantur carnibus, nunc jejuniis reficiantur. Plura de *Scotia* *Joan. Major* in hist. *Scotica*.

Urbes in *Scotia* præcipuæ sunt *Edinburgum*, & *Glasquensis* urbs, olim sedes Archiepiscopalis, Urbs quæ dicitur *Sanct. Andreæ*, & alia quæ dicitur *Aberdonia*: & in utraque postrema est pridem fundata Universitas. Sicut & pridem in Anglia Universitas *Cantabrigiensis*, & *Oxonienis*, hujus olim singulare excellentiam, & Collegiorum frequentiam annotat *Justus Lipsius* in suo *Lovanio*.

ITALIA.

De *Italia* sic tradit *Solinus* & alii. Longitudo eius ab *Augusta prætoria*, per *Romam*, *Capuanum* que correcta usque ad oppidum *Rhegium*, decies centena & viginta milia passuum esse colligitur. Latitudo vero quadringenita decem, ubi latior, ubi brevior centum triginta sex: habetque umbilicum in Agro *Rheatino*, qui duduim ex latere Maris superi *Rubiconem* fluvium pro finibus habuit.

R. P. Arsdek. Tom. I.

Est Italia metallis gravida, ubique Vitalis & perennis salubritas, eximia cœli temperies, campi fertiles, apicis colles, innoxii saltus, opaca nemora, munifica Sylvarum genera, mira frugum, Vitium, & oleatum fertilitas, nobilia pecori *Vellera*, optimæ tauris colla, perficiu & piscoi lacus, flumina, fontesque saluberrimi, portus plurimi; ipsa avidè ad mortales juvandos in maria procurrens, & velut gremium omnium Gentium commercio pandens, ut verè dicta sit à quibusdam, Terrarum omnium alumna, atque eadem parens cœlestium providentia electa, que sparsa congregaret imperia, mollietque efficeratarum Gentium titus; discordes ad colloquia linguas munere litterarum, latinoque sermo ne congregaret.

Figura Italæ est quasi Cruris humani Limites illius à *Septentrione* sunt *Alpes* montes, qui separant eam à Germania.

Ab *Oriente* habet mare *Mediterraneum* quod dicitur *Adriaticum*. A *Meridie* adjacet mare *Inferum* sive *Tuscanum*.

Ad *Occidentem* unam habet partem *Alpium* cum fluvio *Var* quibus terminatur ex parte *Fiancia* & *Sabaudia*.

Principes Italæ maximi sunt, *Pontifex Romanus*, cui subest ducatus *Spoletanus*, *Urbini*, & *Ferraria*, *Marchionatus Anconitanus*, *Romanola*, *Bononia*, & ducatus *Beneventanus* in regno Neapolitano.

Dux Florentinus, familiae de *Medicis*, qui possider maxima ex parte ditionem *Toscanam*. *Dux Sabaudiae*, qui tenet ditionem *Pedemontanam* &c.

Dux Mantuanus, familiae de *Gonzaga*, habet Ducatum sui nominis & *Montferatenstein*. *Dux Parmensis*, domus *Farnesia*, tenet Ducatum *Parmæ* & *Placentiæ*. *Dux Mutinensis* familiae *Destensis*, possider ducatum *Modenæ*, & *Regio*. *Princeps de Malfano* familiae *Cibo*, habet Principatum sui nominis. Est & *Princeps de Monaco*, familiae *Grimaldi*, aliæque familia illustres.

Repubblica etiam in Italia sunt Quatuor: duæ maiores, *Veneta* & *Genuensis*; duæ minores, *Lucana*, & *S. Martini*.

Urbes Italæ præcipuæ sunt haec, quæ singulari decorantur epitheto. *Roma* dicitur, urbs *Sancta*: *Neapolis*, nobilis; *Florentia*, pulchra: *Genua*, superba: *Mediolanum*, magna: *Ravenna*, antiqua: *Venetia*, opulenta: *Padua*, docta: *Bononia*, pinguis, ratione soli.

Episcopatus in nulla Orbis Regione plures quam in Italia.

Universitates etiam sunt præ aliis plurimæ, scilicet *Paduae*, *Venetiis*, *Tutini*, *Pavia*, *Sienna*, *Bononia*, *Romæ*, *Perratiæ*, *Maceratæ*, *Ferimini*, *Neapolis*, *Seremi* &c.

Z GAL-

G A L L I A .

Gallia, de cuius Regibus supra Art. v. & Episcopis pag. 54. non potest breviter & eleganter melius describi, quam apud *Baptistam Mantuanum* in suo Dionysio lib. 2. sic eam metrice expONENTEM.

Gallia terreni pars est non infima mundi,
Sed longè latèque patens, Hispanicatangit
Oppida ab occasu. Sece conjugit ab ortu
Italiæ: nostro hinc pelago qua respicit Austrum
Clauditur, Oceano geminas quâ respicit Ursas,
Unde venit Boreas hybernaque frigora surgunt,
Et Vada Theutonici tangit valissima Rheni.
Terra hominum, frugumque ferax, armenta gregesque,
Uberibus pascens glebis, non languida Cœlo
Tabifico: non mortiferis infesta Venenis
Ut Lybiæ, non perpetuis adoperta pruinis,
Sicut hyperborei montes; non torrida ab æstu,
Qui faciat steriles, ut decolor India, campos.
Non etiam noctis pallens Semestribus umbris
Quale sub Arcturo positum mare, & ultima Thule:
Sed nec ut Ægyptus, quæ fusa palustribus undis,
Sed Cœlo, & teneræ fecundita Uligine terræ.

G E R M A N I A .

Germania, de cuius Imperatoribus &c. supra Art. 3. Regio Europæ amplissima, tota Se-
ptentrionalis, pluribus constat Regnis, & Provinciis, de quibus fuisus qui supra *Joannes Bokius*
Cap. 12 Germaniæ norma sic pridem metrice breviterque exponitur.

Gens invicta manet, toto notissima mundo,
Terra ubi se devexa globo demittit in Arcton,
Solis, & algoris patiens, durius laboris,
Ingrata ignavam Vitæ tolerare quietem.
Indigena haud aliâ dicens primordia Gente,
Sed Cœlo producta suo, Demogorgonis alvus
Protulerat patulas ubi cuncta creata sub auras.
Germanos vocitant Itali, sed Græcius Adelphos,
Quod fratrum soleant inter se vivere more:
Nomen nobilibus quod adhuc Venerabile nostris
Pectoribus, similes ingentes corporis artus
Prodigia cui natura dedit; per lactea colla
Candida proceris tollentes corpora membris.
Flava coma est, flaventque oculi, grataque coloris
Temperie justam retinent sua membra staturam.
Vox habitum mentis cum gestu, & pectora prodit,
Vox quæ nil muliebre sonat, sed tota Virilis
Martia crassiloquo restatur corda palato,
Quæque fidem Sancto, & constanti pectora servet
Religionis amans, superumque, & cultor Honesti,
Et Veri, Justique tenax, mens consona labris,
Ficta colorata fugiens mendacia lingua.

Dum hæc scribo, veniam & mihi, licet siccum & senilem, excitat opportunité JACOBI II. quæ nunc cele-
bratur Londini lætissima coronatio.

D E A N G L I A A C H I B E R N I A

Authoris tecens Votum.

Anglia sis felix! Europa maxima nostra
Insula, tot Fidei, Cælique, Solique, Marisque
Muneribus decorata, sacris totque inclytâ bellis,
Perque Mare & Terras partis celebrata triumphis.

per